



UNIVERSITÄTS-
BIBLIOTHEK
PADERBORN

Universitätsbibliothek Paderborn

Oppiani Anazarbei De piscatu libri V

Oppianus <Anazarbensis>

Parisiis, 1555

Oppiani De Piscibus Lib. IIII.

urn:nbn:de:hbz:466:1-12729

Angustus teneat mensuram littoris æquam
 Piscosis ponti scopulis, latisque cauernis,
 Ascendat cello speculator vertice montis,
 Memnonis alma parens primo cum surgit ab ortu,
 Aspiciat varias acies quanto agmine verrant
 Vndas, & sociis subito prædicat ab alto:
 Confestim pelago procedunt retia cuncta.
 Sunt vrbes veluti magnæ, queis limina lata,
 Queis portæ, magnique sinus, magnique recessus,
 Perque tribus sicuti properant ad bella phalanges:
 Sic thynni veniunt, hi sunt in flore iuuentæ,
 Isti longæui, medio sunt tempore multi,
 Innumeri vastam retis labuntur in aluum,
 Donec prædones educant retia læti,
 Distendatque sinus omnes ditissima præda.

OPPIANI DE PISCIBVS
LIB. IIII.



N prædam multas ponti iubet ire
 phalangas
 Sæuus amor, diras thedas venerem-
 que secuti
 Letalem, & coitu properatam accer-
 sere pestem
 Enixi, sæui subierunt damna furoris.
 Antonine pater, cui magna potentia celsit
 Inter magnanimos reges, decor inclyte nati,

Carminibus nostris lætam conuertite mentem
 Præsentem mecum versu gaudete natantum,
 Quem sacrae musæ tribuentes mitia dona
 Exornant vario cultu cantuque coronant:
 Et mihi diuino concedunt numine vestris
 Auribus, & menti dulces miscere liquores.

Improbe amor superas fallaci pectore diuos,
 Iucundus visu, figis sub corde dolores,
 Excipis ir. cautos homines, velut alta procella,
 Turbans accensos spiras sub mentibus ignes.
 Tristia feruenti depascis pectora cura.
 Lachrymulis teneris molles infundis amores,
 Teque iuuat cordis gemitus audire profundos,
 Te iuuat ardenti consumere viscera flamma,
 Te formæ nitidos iuuat obscurare colores:
 Perturbare potes mentes, oculosque cauare,
 Præcipue quibus attonitishorroro tremendo
 Incutis horrendam rabiem, tantumque furorem.
 Dire Cupido tibi sunt hæc conuiuia grata,
 Si superos inter vetus adducatur origo,
 Quippe Chao natus fusca flammaque nitenti
 Luces, & faculas mortalibus excutis ignis.
 Primus iunxisti thedas in amore iugales,
 Et primum mites formasti durus agrestes.
 Alatum veluti volucrem te dædala celsi
 Progenitrix regina Paphi: tu mente serena
 Pacatus venias tranquillo pectore nobis,
 Pone modum: nullus duos effugit amores.

Imperium quocunque regis, quocunque locorum
 Te cupiunt homines, & magno sceptrâ pauore
 Formidant, felix qui mitem sentit amorem.
 Mortales, superi, volucres, genus omne ferarum
 In furias ignemque ruunt, amor omnibus idem.
 Acer amor penetras limosâ in stagna paludis:
 Letifero madidos defigis vulnere pisces.
 Ut nihil intactum dimittant spicula sæua,
 Nec pisces altis celeres linquantur in vndis.
 Connubiale scari conseruant fœdus amoris
 Inter se: socium haud summo discrimine linqunt,
 Vulnifico scarus est postquam defixus in hamo,
 Eripitur socio, sæpe auxiliaribus armis
 Pendula ferrato refecatur linea dente,
 Elusus prædo tristatur pisce recepto:
 Ast alius socium curuo sub vimine captum
 Sustulit, & dira miserum de peste redemit.
 Lapsus in insidias nassæ se vimine piscis
 Dissoluisse cupit, clausamque relinquere cistam
 Obstipo capite defigit lumina terræ,
 Et natat in caudam docilem, septoque vagatur
 In caput erumpens virgas formidat acutas.
 Quæ circumtextæ subclaudunt hostia summa,
 Ne feriant oculos: alij sub vimine clausum
 Aspiciunt socium flectentem lubrica terga,
 Atque reluctantem frustra, labique volentem:
 Auxilium præstant misero, calathoque reuellunt,
 Et caudam veluti dextram quis porrigit intro

Mordicus apprehendit subito, & conuellitur extra
 Cauda salutifero socij sub dente reuincta,
 Sæpe suam clausus mittit per vimina caudam,
 Qua portas extra trahitur reuocatus ab orco,
 A socio socius scarus est hac arte receptus.
 Montibus incultis veluti sub luce maligna
 Noctis iter carpunt multi, cum luna recondit
 Lumen, & obscurum subfuscant nubila cœlum,
 Anfractus montis illos, tenebræ que fatigant
 Errantes, dextrâsqne tenent, tractique trahuntur,
 Alterno reparant sudantia membra labore:
 Atque ita amicitiam pisces, & mutua seruant
 Fœdera, & occisos alterno dente resoluunt,
 Piscatorque scaros in mœsto fallit amore:
 Nec mora fatiferam meditatur piscibus artem.
 Quattuor ascendunt scapham, sed remige proni
 Sunt duo, qui pellunt ventosa per æquora puppim,
 Tertius intexit fraudes, vertitque per vndam
 Fœminei sexus per summa scarum ora reuinctum,
 Præstaret viuam: fuerit si morte perempta,
 Delphini plumbum medio ponatur in ore,
 Quod longas quariat chordas, & fune reuinctos
 Parte alia cubus plumbi versetur in vndis,
 Fœmina viuenti similis prædone trahetur.
 E regione trahat quartus de vimine nassam
 Non procul a septo spectantes agmine multo,
 Vt sociam exitiosa scari per marmora tractam
 Eripiant, celeres currunt, nauemque coronant

Fœmineis

Fœmineis acti stimulis: hi remige puppim
 Viribus impellunt, pisces examine denso
 Sectantur scapham, subito cum fine supremum
 Auxilium venit, cum tot videt agmina circum
 Piscator, tanto veneris stimolata furore,
 Atque in fœmineum rabiem spirantia sexum,
 In nassa ponit linum, plumbòque grauatum
 In cistæ antra scarum pellit, turba ista secuta,
 Ut videt, ut fusa est, textum concurrat in orcum.
 Certatim trahitur studio collisa caterua:
 Arctantur fauces latæ, portæque patentes,
 Agmine densato tali rapiuntur asilo.
 Non aliter quibus in cursu contingere palmam
 Est animus, celeres erumpunt carcere, tentis
 Ad cursum genibus properant, & vincere certant,
 Alternantque pedes, fit multus in æquore puluis:
 Omnibus vnus amor laudis, contingere metam
 Ardentes cupiunt, & præmia mente reuoluunt.
 Sic amor in septum pellit, nassæque profundum,
 Et trahit in fraudem pisces, datur vnde regressus
 Nullus, & occlusa nequeunt euadere cista,
 Supremo pereunt coitu, venerisque furore,
 Et sponte in caueam se deiecere dolosam,
 Et piscatori prædam fecere superbam.
 Quinetiam curua libratur fœmina nassa
 Pendens speluncam iuxta, quæ grata putantur
 Antra scaris: veneris multos hîc mulcet amore
 Fœmina, quos veneris cupidos leuis excitat aura.

Nam saliant circa septum, faucésque requirunt,
 Quod nocte subito fundum voluuntur in imum,
 Et veneris finem stimulos in morterelinquunt.
 Ac veluti alitibus fraudes bonus instruit auceps,
 Occultat volucrem densa sub fronde canoram,
 Quæ multas blandi capiat dulcedine cantus,
 Dulce melos tenui volucris de gutture fundit,
 Ad quam festinat volucrum densissima turba,
 Fœmineo allectæ cantu sub fraudibus hærent:
 Sic illi curuam nassæ labuntur in aluum.

Hoc letale malum subter præcordia figit
 Sæuus amor cephalis, quos fœmina tracta per vndas
 Mollior, & splendens, & totum corpus obesa
 Decipit, hac visa miro pelluntur amore:
 Collecti circa forma capiuntur, & illam
 Nunquam destituunt, blandi mulcentur amoris
 Illecebris, dominam per marmora lata sequuntur.
 Ad terram si quis lino subduxerit hostis,
 Obliti fraudis vestigia ponè sequuntur.
 Non aliter pulchræ prospectant lumina nymphæ
 Formosi iuuenes, longæ nitidæque puellæ
 Lati admirantur formam, quæ possit amari,
 Mox iuxtà quærunt occulto tramite nympham:
 Non illos repetunt calles, quos antè solebant,
 Pellecti nutu dulcem sectantur amicam:
 Sic sparfos pisces videas in amore furentes.
 Ast amor actutum veniet despectus, & illos
 Piscator cautus nodosa in retia pellet:

Nexilibus laqueis iactis teget agmina multa.

Non fortunato cata sepia carpitur igne,
Quæ multa in pelago potuit vitare pericla,
Iam non lina fugit, non densi vimina septi
Eliciunt illas piscantes æquore toto
Fœmineam appendunt pestem, ducuntq; per æstus
Postquã è conspectu vaga fœmina tracta per æquor,
Cernitur à maribus, subito amplectuntur amatam,
Atque volubilibus nodis, spir isque rotati
Implicitam ramis stringunt, cupiuntque teneri.
Ac veluti virgo fratrem, mitèmq; parentem,
Qui longe à patria fuerat iam tempore longo,
Incolumes cernens teneris complectitur vlnis:
Ac veluti nuper iuueni formosa puella,
Aurea quam vinclo vinxit Cytherea benigno
Arrepta ad thalamum sponsi complexibus hæret
Candida dilecto circundans brachia collo,
Inque rudi nodo consumit tempora noctis:
Sic istæ implicitæ veneris nec munera linqunt
Tali connexæ nodo, nec vincula soluunt,
Donec piscator capiat, cymbæque reponat
Connexæque simul subeant crudelia fata.
Has etiam nasis capiunt sub tempore verno.
Nam curuum septum myrti de fronde coronant,
Et iungunt virides frondes, quas horrida gignit
Arbutus, atque aliis foliis hoc vimen opacant,
Cum coitum cupiant, & dulces soluere partus
In caueam properant, & strata fronde quiescunt:

Sic amor expletur misera cum morte proteruis
 Pisces in siccam clausi ducuntur arenam.
 Pestifero ante alios merulus cruciatur amore,
 Vxores ardet plures, vexatur oestro
 Vexatur zelo, zelus grauis vrit amantes.
 Non vnus lectus merulo, non vnica nymphea,
 Non thalamus, multæ vxores, multæ que cauernæ
 Semotæ occultant numerosa cubilia nympheæ.
 Tota habitant curuis sponsæ sub luce cauernis,
 Sûntque nouis similes nuptis, quæ limine nunquam
 Discedunt thalami, tantum sub corde pudorem
 Voluunt, & tanto suffundunt ora rubore.
 Sic in secessu scopuli gens ista moratur:
 Coniugis imperio parent, & iussa capeffunt.
 Dilectas merulus sponfas non deserit vnquam,
 Obseruatque toros, aliò conuertere mentem
 Non potis est, scopulis semper versatur in iisdem,
 Nunc istum quærit thalamum, nunc circuit illum,
 Contemnit pactum, totus suspirat in istas.
 Zelotypo misero tantum custodia curæ.
 Nocte cibos quærit, paulum quid nocte quiescit.
 Cum pariunt foetus sponsæ, tunc æstuat igne,
 Tunc furit, atque timet: nunc coniuge pendet in illa,
 Nunc obit hanc: pauidû credas, similemque timenti.
 Non aliter tantos voluit sub mente dolores.
 Mater cum primum foetum parit vnica nata,
 Hanc timor excruciat, furit exagitata dolore.
 Per thalamum queritur gemitus à pectore mittens,

Atque preces fundens toto manet anxia corde.
 Donec vagitus pueri pulsauerit aures
 Sollicita eiiciens tantos à matre dolores.
 Assyrios memorant tales adducere mores
 Qui circa ripas Tygris, fluuiique meatus
 Oppida magna colunt, & Bactræ, qui procul arcu
 Contra hostem celeres docti torquere sagittas,
 Plures vxores ducunt, nec coniuge sola
 Gaudent, & dulcis veniunt ad gaudia lecti,
 Alternantque vices noctis, stimulisque coactæ
 Zelotypæ inuidia pereunt, bellumque laceffunt.
 Nil peius zelo mortalia pectora carpit,
 Cum tristi miscens fletu suspiria multa,
 Et rabiem sæuam miseris mala damna ministrat.
 Exitus est illi mortis sæuisima pestis,
 Et dulces merulos in tristia funera pellit,
 Qui tristes duræ cupiunt fera præmia thedæ,
 Cum prædo videat merulum prope saxa profunda
 Sæpe volutantem, & pro coniuge multa timentem,
 Expediens hamum squillam configit in illo,
 Et nexam cubo plumbi submergit in altum
 Æquor, & occultis thalamos rimatur in vndis,
 Atque agitat circum saxosa cubilia fraudem.
 Erumpit merulus thalamis, & carida viuum
 Riualet punire ratus, subit impia fata.
 Nam prædo fixum mento mucrone corusco
 Traxit nitentem contra labique volentem,
 Et carpens tali mouit conuitia voce,

Nunc serua lectos, nunc sint connubia curæ,
Nunc sponsis latare miser, nunc antra require,
Nunc thalamos, non vna venus, non vna voluptas
Est tibi, sed lectis solus multisque cauernis
Exultas, sed sponse veni, tibi theda parata,
Ignis lucentis splendor, flammæ que corona.
At postquam tali sublatus morte maritus,
Sponsæ palantes fato rapiuntur eodem,
Et galei & catuli pereunt, atque agmina ponti,
Quæ stimulis feriunt, seruant dum pignus amoris,
Auxiliûmque ferunt perituris foedere certo.
Piscator properat qua cœni est alta vorago,
Et manibus longis hamum demittit in vndas,
Cui super affixus piscis candore nitenti
Extemplo ad catulum furtim mucrone reuulsum
Ardentes currunt socij, nauemque sequuntur,
Agmina tunc figes insana tricuspide telo:
Tunc circumducta retis capientur in aluo.
Non dant terga fugæ, nisi tractum fune sodalem
Cernant, tunc vnà fortes occumbere tentant.
Non aliter mœsti veniunt ad funera patres
Defuncti nuper nati, tactique dolore
Cum gemitu plangunt pectus, nec busta relinquunt,
Nec tristes proprias cupiunt remeare sub ædes.
Hærent impliciti tumulo, frustra que laborant,
Et cupiunt vnà cum nato claudere vitam:
Sic isti nunquam conuulsum ad funera piscem
Destituunt, donec casu moriantur eodem

Est aliis peregrinus amor, peregrina cupido,
 In terram diro siccam rapiuntur a silo,
 Polypus, & fargus saxi ferus accola duri,
 Externæ gentis sæuo vexantur amore.
 Palladiis gaudet ramis felicis oliuæ
 Polypus, & glaucis foliis, mirabile dictu,
 Corripitur, gliscitque comas, frondésque virentes.
 Est totus latus ramis, & fronde benigna,
 Cum iuxta pontum nigris stat splendida baccis
 Arbor, & expansis confurgit litore ramis.
 Polypus ad frondes trahitur: ceu per iuga montis
 Sæpe canes quærunt vestigia tecta ferarum,
 Atque feras prendunt dominos ad lustra trahentes:
 Sic virides ramos discit frondentis oliuæ
 Polypus, & subito falsis emergit ab vndis,
 Per terram repit, ramos vbi nactus oliuæ,
 Applaudit trunco latus radice sub ima
 Flectitur implicitus, veluti complectitur vlnis
 Nutricem nuper venientem paruus alumnus,
 Inque sinus primum puerilia brachia iactat,
 Atque cupit niueo connectere brachia collo:
 Sic est Palladiæ ramis connexus oliuæ
 Polypus, & totus lætatur fronde virenti,
 Nunc pedibus tentis ramum complectitur illum,
 Nunc istum, veluti peregrina ex vrbe reuersus
 Collectos vnâ dulces offendit amicos,
 Extensis manibus cupidè complectitur omnes:
 Celsa non aliter obrepunt abiete fontes

Nexæ hederæ, & surgunt primum radicibus imis,
 Et multis nodis longe latèque per omnes
 Tolluntur ramos ad summa cacumina tensæ.
 Sic lætus glaucæ sua brachia nectit oliuæ
 Polypus, hunc similem dulci quis dicet amanti.
 Postquam Palladiis ramis exempta cupido,
 Expleuitque animum foliis, seu fronde virenti,
 Protinus æquoreas obrepit lætus ad vndas.
 Talis amor frondis, vel tam furiosa cupido
 Hunc capit: & tali piscator fraude peritus
 In medium iactat plumbum, quod fronde reuincit
 Palladia, at piscis ramos non temnit oliui,
 Sed sociam prendit frondem, nec deserit vnquam,
 In nauem tractus rami non vincla relaxat,
 Non odit viridem iamiam moriturus oliuam.

Inuadit sargos caprarum mira cupido,
 Qui madidi simas cupiunt tractare capellas:
 Montanis gregibus, quamuis sint agmina ponti,
 Gaudent, & foedè rapiuntur amore capellæ.
 Prò pudor, an sperant concordēs edere fœtus
 Incultos montis colles, pelagique meatus?
 Pastores, claudunt cùm sera crepuscula lucem,
 Tempore, quo flauas phœbus desiccet aristas,
 Ducunt loturas ad littora sicca capellas:
 Postquam balatus aut voces littore sargi
 Pastorum audierint, saliant ex æquore toto,
 Sint licet ignaui, properant examine multo
 Humida cornigeras gens circumfusa capellas

Iata

Læta salit, lambitque gregem, & blanditur ouanti,
 Pastores talem longe admirantur amorem,
 Qui primum stupidi cernunt miracula facti.
 At lætè accipiunt pisces, spectantque capellæ,
 Gaudent dilectas ponti spectare choreas.
 Exultant sargi contrà: non est modus vllus
 Lætitiæ, teneri non tantum matribus hœdi
 Applaudunt stabulis clausi, pastûque regressas
 Accipiunt gestu læti, saltûque petulci.
 Omnia cùm circum reboant loca vocibus illis,
 Pastores dulces fundunt de pectore risus.
 Ac veluti mater natum, coniûxque maritum,
 Ire peregrinas longe tristantur in vrbes,
 Mœstitiâmque alto tristes sub corde recondunt,
 Et celsas scandunt speculas, & lumine lustrant
 Æquoreas vndas, & fletibus ora relaxant:
 Non gressum reuocant, & lumina in æquore figunt:
 Sic mœsti sargi lachrymis tristantur obortis,
 Cum pastor capras abigit de littore lotas.
 Sarge miser subito, ni fallor, dira cupido.
 Afferet exitium, pastor tibi causa doloris,
 In fraudem, & mortem piscator vertet amores.
 Piscosas, gemino quæ surgunt vertice, cautes,
 Non longe à terra distantes æquore paruo
 Coniectat clari fulgentes lumine solis.
 His habitant sargi scopulis, hæc saxa frequentant,
 Nam solis gaudent radiis & luce nitenti.
 Ast olidæ prædo tectus sub tegmine capræ

M

Temporibus summis duo cornua longa coaptat,
 Et pastorales meditatur pectore fraudes.
 Viscere caprino simul & nidore farinam
 Commistam tumidas ponti demittit in vndas.
 Gratus odor, pastor gratus, simulata capella
 Istos decipiunt, nec fraudes mente dolosas
 Cernunt, sed læti gaudent, lambuntque capellæ
 Hostem consimilem, sed mox non mitia corda
 Inuenient miseri fargi sub pelle caprina.
 Tunc cito pestiferum socium sub tegmine noscunt,
 Cornea cum niueo tendens hastilia lino
 Infigit carnes hamo, quas vngula capræ
 Innatas retinet, carpunt obiecta repente
 Pabula: piscator retro sua brachia curuans
 Attollit fargum. si quis præsenferit artem,
 Villosas alij capras, odioque sequuntur
 Pastorem, simulachra, cibos, & pascua cautis.
 Si sint abstrusæ fraudes, tollantque laborem,
 Arte velox omnes capræ sub imagine faller.
 Rursus amor fargos carpit sub tempore verno,
 Pro thedis simul & chara pro coniuge certant.
 Decernunt dira miseri connubia pugna.
 At si quis tanto fuerit certamine victor,
 Coniugibus cunctis vir tantum sufficit vnus
 Fœmineos cœtus claudens sub caute marina.
 Hic pisces fundo, ciclôque capacem
 Occultant nassam, contextam vimine denso,
 Et stipant fauces myrto, laurôque virenti,

Frondibus aut aliis, quas circum septa renectunt.
 In bellum sponfos cum dirum pellit oëstrum,
 Pugnatur, thedas inter fera surgit enyo,
 Victoris nutu sponfas parêre necesse est.
 Qui curuam quærens petram, tectoria nymphis
 Offendit nassam ramis & fronde latentem,
 Huc nymphas pellit, subeunt hæ septa profunda.
 Hic alios arcet sargos, caueaque repellit.
 Sed cum plena choro nympharum nassa profunda,
 Vltimus ingreditur caueæ irremeabile septum.
 Ac veluti opilio pastas in ouilia ducit
 Lanigeras pecudes, & portæ in limine gressum
 Sistit, & intrantes lustrat, numerumque recenset,
 Si cunctę incolumes redeant: sed iam grege clauso
 Stipatur plenum stabulum, subit vltimus ipse:
 Sic prior ingreditur sponfarum in vimina cœtus,
 Postremo sargus textum se mittit in antrum,
 Et miseras nymphas misero sociatur amore.

Talia belligeri miscent certamina pisces,
 Atque cupidineo pereunt in fraude furore,
 Si qua per æquoreos videant agitata tumores
 Fragmenta hippuri quærunt, & ponè sequuntur
 Præcipue nauem disruptam turbine venti
 Neptuni fluctus scindentem numine læuo,
 Atque fluitantem dissutis vndique lignis
 Hippuri fractis hærent, luduntque tabellis.
 Obuia si veniant piscanti concita ligna,
 Venatu facili prædam captabit opimam.

Auertant talem Neptuni numina pestem
 Nauibus, & ventis sinuentur vela secundis,
 Atque onus alterno portent, reuehantque labore,
 Immotæ illæſæ ſubeant vada cæca carinæ.
 Hippuros alio liceat molimine prædæ
 Fallere: ſecuræ currant ſuper æquora naues,
 Denſa compactum ſubnectat arundine faſcem,
 Et fluctu in medio ponat, ſubtérque molarem
 Vinciã, aggeſtas quatiã qui pondere cannas.
 Hippuron gentes vmbra lætantur opaca,
 Et circum calamos currunt examine multo,
 Exultant, ludunt, cannae ſub faſce reſidunt.
 Tunc prædam piſcator obit, tunc æra recurua
 Deiicit in pontum, piſces in fata ruentes
 Certatim arripiunt hamum, fixi que trahuntur.
 Sic ad bella canes irritat viſcere iãcto,
 In medium quiſquam fu riunt pro ventre voraces,
 Præcurrunt rabie multa, dextrãmque retentant
 Iãctantis, rixæ fiunt vbi viſcera iãctat:
 Dentibus infrendunt, & morſibus ora dehifcunt:
 Sic iſti in fraudes incurrunt vertice prompti,
 Poſt alios alios prædo mora nulla reuellit.
 Ad mortem temerè properãt, hamumque ſequũtur.
 Tali ſtultitia, talique cupidine captus
 Vmbrae ſub Stygias descendit pompilus vmbraſ.
 Piſcator virgam contorto fune globatam
 Præparat, innumeros infigens deſuper hamos
 Piſcibus exitium forti mucrone propinquos,

In quibus infigit fallacis iulidis escam,
 Et resupinatos sub lymphis occulit hamos.
 Furtiuam mediis fraudem suspendit in vndis.
 Cum videat fixam lolligo irrumpit in escam,
 Dúmque premit fusum se circum fila volutans
 Cuspide confossus, quo se conuellere frustra
 Nititur, & luétans contra sua terga reuoluit.
 Atque puer ludens vasti prope littora ponti
 Decipit anguillas, longa intestina sub vndas
 Coniiciens, hami setis æquata videres.
 Vt videt, vt que ruit, longa intestina petentem
 Arripit, atque cito sensit tumefacta perire.
 Nanque puer sufflans anima intestina repleuit,
 Et subito ventus densus percurrit in ora
 Anguille, & pueri flatu tumefacta laborat,
 Et vento arétatur, frustra que euadere tentat.
 Inflatam penitus & toto pectore anhelam
 Spiritus educit pueri ludentis in altum.
 Non aliter certat cratere educere pleno,
 Cum calamo vinum si quis trahat ore tumentis,
 Nanque trahit flatu vinum, sequiturque repente
 Per calamum Bacchus currens ad labra bibentis:
 Sic tumide anguille sufflantis ab ore trahuntur.
 Roboris est expers genus imbecille natantum.
 Hos densos cœtus aphyas dixere priores:
 Engraules etiam perhibent hos nomine dictas,
 Piscibus expositę cunctis gratissima præda.
 Et dant terga fugę, semper formidine viuunt.

Innata, atque vno circùm glomerantur aceruo.
 Innexæ que manēt, magnum cumulantur in orbem,
 Inuiti tanquam patiantur vincula nodi.
 Non posses stricti iuncturam noscere nodi,
 Non aliqua ratione queas dissoluere vincla.
 Sæpe globus naues sistit, cursúmque moratur,
 Sæpe ratem pulsam remis vi sistit euntem,
 Illisi remi veluti sub caute tenentur.
 Atque aliquis validam tollens in terga bipennem
 Percussit nodum, nec densam scindere turmam
 Eualuit, paruíque gregis iam parte resecta,
 Hęc capite, hęc cauda, medio truncabitur illa,
 Ast aliam totam populabit magna securis.
 Defunctis similes multæ, miserabile visu,
 Conscia plagarum nodi non vincula dura
 Agmina dissoluunt tali compage reuincta.
 Piscibus occurrens aliquis congescit in vnum
 Palmis, vt flauæ montem cumularet arenæ.
 Implicitos postquam cuneos è littore cernunt,
 Prædones raro circundant agmina lino,
 Atque trahunt vinctos ad littora tuta natantes.
 Innumeræ prædæ magni cumulantur acerui.
 Ac veluti messor culmos, stipuláque volantes
 Ventilat, & pala iactat frumenta bicorni:
 In medio cereris magnos componit aceruos
 Area tot cumulis apparet candida visu:
 Piscibus innumeris canent sic littora ponti,
 Pelamydum gentes Euxini marmore lato

Nascuntur fœtus thynnorum tempore verno,
 Quos partus duros thynni super hostia lata
 Qua pontus miscet fluctus Mœotide fusca
 Collecti pariunt calamis, partuque soluto,
 Oua vorant subito, & lacerant sub dentibus atris
 Quæcunque inueniunt, calami iunci que marini
 Multa occulta tegunt, hæc læti tempore veris
 Pelamydes gignunt, quæ primo frigore brumæ
 Incipiunt tentare vias peregrina petentes
 Æquora, non fluctu parvæ versantur eodem,
 Quo genitæ, externos cupiunt tranare meatus
 Æquoreos inter tractus Neptunia regna.
 Non perhibent alium fundo maiore putari
 Threicio, hinc nigrum dicunt, nec flamine venti
 Hoc mare conturbant, nec voluunt turbine sæuo
 Hic altæ cautes, hic cœni vasta vorago,
 Hic quicumque cibi paruorum turba natantum
 Pascunt, huc properat nuper generata caterua
 Pelamydes, horrent gelidæ mala frigora brumæ,
 Quæ faciunt hebetes oculos, & lumina lædunt.
 Hos nocte tractus crescunt, placidisque morantur
 Fluctibus, & læti veniunt vbi tempora veris:
 Ista tangit amor læti, fœtûque repletæ
 Quam celeres primas subito gradiuntur ad vndas,
 Et soluunt fœtus pondus miserabile ventris,
 Tunc diri Thraces sæuo certamine prædam
 Cædibus horrendam, & fatali Marte cruentam
 Multifoni faciunt tranantes æquora ponti.

Est non longa abies, sed magna mole grauatā
 Nec cubitum excedit, quā plumbea vertice summo
 Pondera circundant, & acuti robora ferri.
 Sunt inflexa supra, teloque tricuspide multæ
 Sunt infixæ acies, sunt nexi robora circum,
 Intorti funes, contis tolluntur in altum
 Robora, & in magnū iaciunt quassata profundum.
 Quæ subito casu, & plumbo ferroque premuntur,
 Et lapsa in præceps hærent radicibus imis,
 Quot miseræ prendunt vasta sub mole grauatas,
 Tot miseræ sæui penetrantur acumine ferri.
 Pelamydas si quis audaci pectore cernat,
 Et dolet, & sortem secum miseratur iniquam.
 Istiletiferum penetrauit in ilia ferrum,
 Hæc capite attrita est, aliæ letale suprema
 Sub cauda accipiunt telum, sed tergora multis
 Delapsū abscidit robur, sub ventre dolosas
 Ostendunt acies multæ, pars altera fixo
 Est vtero, atque alto telum sub pectore condit.
 Nauali veluti miscent cū bella tumultu,
 Post pugnam socij resperſa cadauera tabo,
 Inque pyram flentes ponunt, & vulnera multa,
 Et variæ apparent plagæ, tetræque cruores:
 Talia pelamydes ostendunt vulnera pressæ.
 Piscanti martis læta hæc simulachra videntur.
 Turmis pelamydum paruis tenuissima lina
 Tendunt per pontum vastum, cū turbida lymphæ
 Exagitata facit tenebras, caligine cæca,

Percussas

Percussas capiunt. nam retia rara per orbem
Lino circundant tenui, & maris æquora verrunt.
Et contis quatiunt vndas, strepitumque refundunt.
Pelamydes sonitu pauidæ, subitoque tumultu
Concussæ celeres ad pendula retia currunt,
Immotæque manent veluti sub tuta receptæ,
Dum vitant strepitum, fato rapiuntur iniquo,
His retis tentos verrunt ad littora funes.
Hæ cernunt longas casses, spirasque moueri,
Occultæ pauitæque. globum coguntur in vnum:
Piscator rogat diuos, ne saltet in æquor
Vnica, ne quicquam moueatur retibus amplis.
Si sola aufugiat, reliquæ labuntur in altum,
Atque fugam arripiunt, & retia vana relinquunt.
Si fuerint vasti præsentia numina ponti,
Sæpe etiam pisces ad littora sicca trahuntur,
Impliciti maculis pauidi non retia linqunt.
Ac veluti doctus cursus agitare ferarum,
Arripit imbelles ceruos in saltibus actos:
Nam totam syluam contorto fune coronat,
Quo volucrum connectit alas, formidine vana
Cerui prospectant pennas, & cominus ire
Non audent stupidi, donec venator in illos
Irruit, atque capit, præda ditatus agresti.
Piscandi doctus quidam pontoque peritus
In fluctu palmis prendit non arte natantes,
Per madidos fluctus, veluti per littora sicca,
Obrepunt pauidi sargi, timidæque sciænæ,

N

Secessu ponti fargi fluctuque recondunt
 Se timidi, & falsis se complectuntur in vndis,
 Et spinis veluti palis horrentia terga
 Obliqui occultant, spinis valloque teguntur.
 Et veluti agricolæ circum vineta coaptant
 Sepes, & claudunt aditus, ne peruia furi
 Vineæ, sed vallo seruetur tuta profundo:
 Sic nullus fargis hærebit pectore prompto,
 Nec dextram iniiciet, rigeant cum tergora densis
 Sentibus, & totus valido mucrone tegatur.
 Ast aliquis cautus vastum se mergit in æquor,
 Et caput, & caudam fargi speculatur, & in quas
 Partes deurgat prompto sub pectore voluit:
 In caput immittens dextram sub vertice, fargum
 Comprendit, stringitque manu, spinasque tremédas
 Vitans, implicitus piscis firmusque resistit.
 Nam forti tantum spinæ sub robore fidit:
 Piscator palmis disjungens pronus utrisque
 Astutum nauavit opus, piscemque repressit.
 Aspera sed postquam pauido sub corde sciana:
 Horrorem sentit, subit in spelæa recurua.
 Vel quærit lustrum, vel molles currit ad herbas,
 Pontis vel viles lymphæ se claudit in algas.
 Contemnit totum latebris abscondere corpus,
 Et caput atque oculos aliquo sub tegmine claudens,
 Quàm stulte credit sic cætera membra latere.
 Non aliter sylua in densa caput occultit atra
 Bubalis immanem cernens à fronte leonem,

Quadrupedi insipidæ demens custodia curæ.
 Nam capite occulto sperat non posse videri,
 A diro donec lanietur dente leonis.

Vt pecus alatum Libyæ quod colla repanda
 In longum porrecta mouet, sub pectore vanos
 Astus molitur, vanaque eluditur arte:

Sic spe frustratur piscis. nam raptor ab alto
 Emergit, piscemque cauis ex æquore palmis
 Attrahit, & cunctis fraudes ostentat inanes.

Tot varias artes, madidis tot piscibus astus
 Norunt mortales, & tot meditantur in vndis
 Exitium: reliqui fato moriuntur eodem,

Retibus, & nassis, hamo, iactûque tridentis.
 His capiunt armis pisces, hoc robore perdunt.
 Cum Phœbus cœlo meta distabit vtraque,

Vel caput occiduus pronus cum mergit in vndis,
 Tum domitant pisces, vel primo tempore noctis
 Accensa impellunt theda per marmora cymbam,

Occulto perimunt fato sub nocte quietos
 Pisces, qui flamma læti vel lumine claro,
 Dum circa cymbam collecta examina lumen

Exitiale vident, pereunt mucrone tridentis.
 Quinetiam sæuam meditantur piscibus artem,
 Atque parant diram properatia pharmaca mortem,

Et denso iaculo remis, contoque natantum
 Horridulas cogunt acies in concaua ponti
 Saxa, vel vndisoni subter spelæa profundi,

Expanduntque sinus, & ducunt retia circum,

Utque hostes duplici circumdant undique muro
Atque duos miscent panes radice subacta,
Quam cyclaminon nuncupant, candore peruncta
Et pingui: pisces vastum labuntur in æquor:
Retia profiliunt, curuos male olentia circum
Pharmaca colliniunt scopulos, temerantque latebras,
Et maculant fluctu, & post ad littora cursum
Cum cymba reuocant, latebras dispersa per omnes
Pharmaca mortiferas diffundunt longius auras,
Et caput atque oculi caligant, membra venenis
Nutant, hi scopulis duris latebrisque pauentes
Profiliunt, infecta magis sunt æquora lata,
Pharmakon æquoreas late penetrauit in vndas.
Hi veluti vino pressi vincuntur odore,
Undique perquirunt, partes voluuntur in omnes,
Nec locus est expers pestis, pars nulla profundi
Labe caret, foedum properant vitare periculum,
In laqueos currunt: non est medicina salutis
Non medicina mali, motis agitantur ab vndis.
Et crebro saltu quatiuntur marmore pisces,
Dum pereunt flatu, compellunt æquoris vndas:
Hoc illis etiam sæuos sub corde dolores
Excitat: at læti piscantes littore sicco
Immunes pestis rident mala fata natantum:
Expectant, donec tanto sedata tumultu
Æquora, tam foedo late purgentur odore.
Tum sæua educunt lætata examina peste.
Ac veluti hostilem sperant qui à mœnibus urbem

Omnibus infidiis euertere, nulla relinquunt
 Confilia, atque alias astu vertuntur ad artes:
 Inficiunt vndas illi intra mœnia celsa,
 Absumpti tolerât bellum, morbúmque, famémque:
 Infectis pereunt indigno funere lymphis,
 Atque replent urbem defuncta cadauera totam:
 Sic morte immerita, & parca rapiuntur iniqua
 Pisces letiferis compulsi in fata venenis.

OPPIANI DE PISCIBVS
 LIB. V.



INC tibi nosse licet, terræ fortissime
 princeps,
 Quòd nihil humana intactum soler-
 tia linquit,
 Nec ponto obscuro, nec sub tellure
 parente.

Certe aliquis mortale genus sub imagine diuûm,
 Siue adeo Iapeti proles astuta Prometheus
 Humanas finxit gentes simulachra deorum,
 Commiscens terram lymphis, & corda perunxit
 Plasmate diuino: seu diro sanguine creti
 Titanum: nostrum genus est à numine diuûm.
 Paremus tantum superis: inuicta ferarum
 Agmina prosternunt homines, qui corpore paruo,
 Quot volucres cœlum cursu vel nubila findunt,
 Tot capiunt. dirum non vis immensa leonem